



6368
Dt 08.10.2023

REPUBLIKA E SHQIPËRISË
PREFEKTI I QARKUT ELBASAN
SEKTORI JURIDIK

Nr. 10581 Prot.


Elbasan më 29.9. 2023

Lënda: Konfirmim akti

KËSHILLIT BASHKIAK LIBRAZHD

Në mbështetje të nenit 16 të ligjit nr.107/2016 datë 27.10.2016 “Për Prefektin e Qarkut”, pas verifikimit të ligjshmërisë së aktit tuaj nr.89 datë 20.09.2023 “Mbi miratimin e planit vendor të veprimit për barazi gjinore për periudhën Shtator 2023 - Shtator 2026” konfirmojmë në parim, mbështetjen e tij në ligj.





1058
22.9.2023

REPUBLIKA E SHQIPËRISË
BASHKIA LIBRAZHDI
KËSHILLI BASHKIAK

VENDIM

Datë.21.09.2023

Nr. 618/prot
12

Nr.89 dt.20.09.2023

**Mbi miratimin e Planit Vendor të Veprimit për Barazi Gjinore për periudhën
Shtator 2023-Shtator 2026**

Në kuadër të zbatimit të Kartës Evropiane për Barazi të grave dhe burrave (Viti 2006), si dhe pas nënshkrimit nga ana e Bashkisë Librazhd të kësaj karte më 08. Prill 2020 Drejtoria e Sherbimit Social, bazuar dhe në përmbushjen e detyrimeve që rrjedhin nga zbatimi i kësaj karte, Këshilli Bashkiak i mbledhur sot me date 20.09.2023 dhe me propozim të Kryetarit të Bashkisë Librazhd:

VENDOSI:

**-Miratimin e Planit Vendor të Veprimit për Barazi Gjinore për periudhën
Shtator 2023-Shtator 2026.**

-Qëllimet strategjike dhe objektivat specifike

Plani Vendor i Veprimit për Barazinë Gjinore 2023 - 2026 për Bashkinë Librazhd, është përgatitur duke synuar të vendosë promovimin e fuqizimit të grave dhe arritjes së barazisë gjinore në zemër të konceptit të vetëqeverisjes vendore. Në këtë kuadër, qëllimet strategjike dhe objektivat specifike të renditura në vijim, janë formuluar në mbështetje të vizionit të Bashkisë Librazhd për të mundësuar që *gratë dhe burrat, të rejtat dhe të rinjtë, vajzat dhe djemtë e Librazhdit, pavarësisht moshës, karakteristikave personale, nevojave të veçanta, grupit etnik e social, përkatësisë fetare, orientimit seksual apo identitetit të tyre gjinor, njohin, pranojnë dhe respektojnë parimin e barazisë në të gjitha fushat e jetës.*

PVVBJGJ 2023-2026 përmban **katër** prioritete, **dy** qëllime strategjike dhe dy objektiva specifike

- Prioritetet e PVGJ 2023-2026

1. Eliminimi i çdo lloji të dhunës me bazë gjinore, praktikave të dëmshme të dhunës ndaj fëmijëve dhe gruas si fenomen. Dhuna ndaj fëmijëve, grave dhe vajzave është çështje aktuale e shoqërisë shqiptare e cila kërkon vëmendje dhe ndërhyrje nga të gjithë aktorët.

2. Promovimi i punës së denjë, pagave të barabarta dhe të drejtave të punonjësve si dhe rritjes së rolit drejtues të grave dhe të fuqisë së tyre negociuese në familje.

3. Kundërvënia ndaj normave gjinore ekzistuese brenda familjes dhe në tregun e punës, nëpërmjet njohjes së roleve dhe përgjegjësi të burrave dhe djemve.

4. Zgjerimi i rolit udhëheqës të grave dhe vajzave.

Janë bërë përparime të konsiderueshme në fushat e pjesëmarrjes dhe të përfaqësimit të grave në role drejtuese në sajë të kuotave gjinore .

Qëllimi Strategjik 1: Zgjerimi i rolit udhëheqës të grave dhe vajzave dhe eliminimi i çdo lloj dhune me bazë gjinore.

Përbushja e angazhimit publik zyrtar të Bashkisë Librazhd ndaj parimit të barazisë ndërmjet grave dhe burrave në jetën vendore

Objektivat specifike:

1 Të ndërmerren veprime konkrete për të raportuar publikisht dhe rregullisht mbi përparimin e Bashkisë Librazhd për të siguruar në praktikë barazinë ndërmjet grave dhe burrave në jetën vendore

2 Të fuqizohet mekanizmi institucional vendor për arritjen e barazisë gjinore

Qëllimi Strategjik II : Ofrimi i shërbimeve cilësore dhe të përshtatura sipas nevojave të grupeve të caktuara në komunitet, përmes promovimit të parimit të barazisë ndërmjet grave dhe burrave, të rejave dhe të rinjve, si dhe vajzave dhe djemve në aksesin dhe cilësinë e shërbimeve të ofruara

SEKRETAR I KËSHILLIT
Elson MALLUTA

KRYETARI I KËSHILLIT
Mitat BICAKU

